

光緒江西通志

江西通志卷五十七

山川略二

川一 南昌府

章江在府城西章江門外闊十里一名贛水卽古湖漢水也自臨江府清江縣流入豐城界經縣西又北經南昌縣界又北經新建縣界又北注鄱陽湖入南康府星子縣界明會稽章江曉波詩月落西山欲曙天渡頭人語古城邊鐘聲杳臨江戌旆影參差隔浦船幾處蘼蕪深夕露萬家楊柳彈晴煙年年過客頻來往誰復東流歎逝川

劍江在豐城縣西亦贛水也一名劍水

曲江在豐城縣西北一作東北十里形如半月中分三潭岸

旁民居繚繞榆柳成行水波之豔如盪金碧舊傳宋隆

祐太后以金花投潭祈風又名金湘潭

宋姚勉游曲江分韻詩曲江磯

頭山翠嶺此景江南誇第一漁舟晚弄煙波開市樓春
映晴嵐出擁與寒吟入畫圖席地草飲成真率且叩山

房僧榻眠再上山林待明月

東湖在府城東隅水清魚美鄮道元稱東太湖十里二

百二十六步北與城齊南緣迴折至南塘水通大江者

是也其後淤塞周廣僅五里歷代濬治詳水利唐張九

東湖詩郡庭日休暇湖曲邀勝踐樂職在中和靈心挹

上善乘流坐清曠舉目眺悠緬林與西山重雲因北風

卷品明畫不逮陰影鏡無辨晚秀復芬敷秋光更遙衍

萬族紛可佳一游豈能展羈孤忝邦牧顧已非時選梁

長一作公世不容長孺心亦褊永念出籠繫常思退疲罷

歲徂風露嚴日恐蘭茗翦佳辰不可得良會何其鮮罷

興還江城閉關聊自遣顧況同裴觀察東湖望山歌

浴鮮積翠栖靈異石洞花宮橫半空夜光潭上明星底

風雨壇邊樹如洗水淹徐孺宅恆乾繩墜洪崖井無底

主人敬酒東湖陰遙望西山三四岑李紳憶東湖詩

菱歌罷唱鷁舟迴雪鷺銀鷗左右來霞散浦邊雲錦裁

月昇湖面鏡波開魚驚翠羽金鱗躍蓮脫紅衣紫葍摧

淮口值春偏悵望數株臨蛟宮中新水生潛臺祠下日

勝詩十年不到豫章城鎖蛟宮中新水生潛臺祠下日

乍午觸熱更上聘君亭聘君亭前無亂蛙此事或有非
人誇聘君高風自千載況有湖水明丹霞望中西山青
似幕參差開徹芙蓉花登高覽勝興未已柳風吹天涼
似洗青眼故人殊已稀慷慨更讀南豐碑毛伯溫東
湖詩東湖春渺渺隱士此幽居迴艇愁驚鳥垂竿不釣
魚興來時覓酒得暇或觀書斜照臨波影小窗日對處
國朝吳桂芳東湖詩東湖行一曲十里柳煙齊遠嶼
浮空碧長雲壓水低岸香聞杜若沙淨浴鳧鷖更愛維
舟處夕陰蓮葉西蓑君宏東湖懷古詩東湖簫鼓憶
當年柳色江潭倍黯然兩相樓臺成宿草三橋歌舞散
寒煙湖魚味共松鱸美邨杏花同鐵樹
傳洲上草堂原有賦高文誰續李王篇

鄱陽湖在新建縣東北一百五十里卽禹貢彭蠡是也

謹案彭蠡之說不一前人攷辨甚詳非止鄱陽以其接
湖一隅之地舊志相沿已久今亦姑仍其說

鄱陽山易今名跨南昌饒州南康九江四府之境合受

豫章諸流長三百里闊四十里東至饒州府餘干縣之

康郎山西至新建縣荷陂里南至進賢縣北山北至南

康府都昌縣又北至星子縣經九江府湖口縣入於江

唐張九齡彭蠡湖上詩沿涉經大湖流且閑逸行決決晨
趨北渚逗浦已西日所適雖淹曠中流且閑逸行決決晨
復多感見乃非一廬山直陽許孤石當陰衡一水雲際
飛數感見乃非一廬山直陽許孤石當陰衡一水雲際
高下無相恤出象類何交紕形言豈深悉且知皆自然
不須迴徧草新項斯彭蠡湖春望詩湖亭東極望遠櫂
煙開更想鴟夷子扁舟安在哉
顧無邊鳥不飛大波驚隔楚山微
雲中帝子歸遊鯉似投遠淚小舟如葉傍斜暉
夷去後何人到愛者雖多見者稀
寒過此愁人處始知行路難夕陽沙島上回首一長歎
萬頃闊大舸一帆輕
樓閣隱豫章城王安石彭蠡詩茫茫雁驚雲披見
白浪春風淫天際東西振柁萬舟回千流萬蛟蛟時出戲
少年輕事鎮南來水冠今如龍帆正開廟下沽酒山前住
觀者膽墮予方哈衣冠欲棄江湖去劉弇鄱陽湖四
老矣安能學飲飛買田欲棄江湖去劉弇鄱陽湖四
十韻巨浸連吳越高蹶直斗牛元冥開別府江伯匯友
流象緯元精偈神姦祕怪哀番君疏帶礪彭蠡壯襟喉
赴隙如無地憑壖忽有州津涯逾寫潤窟宅定剏幽島
認瀛藟戴無地憑壖忽有州津涯逾寫潤窟宅定剏幽島
喬枝隱山餘短碧浮窺覓沒罔象睥睨扶陽侯漾月都

迷晴蒸雲閒作油涵濡均藻苻亢長到蝦蟇蜃幻晴爐
開龍腥夜拔湫萬尋懸圖玉一帶洞庭秋盈縮知誰紀
吞并似力擎鯉矜封赤鯉龜笑斥朱辟嵌實扶桑瀾珍
文匠石鏤鷗羣馴野客舫肆傲潛蚪索延商婦解腰送
弩激鏤孰分浮颿或訝繞蛇邱絃索延商婦解腰送
莫愁陶朱誠得策神禹想遺憂端稱潺湲弄非無隱伏
披倡包息壤瑣碎落浮漚連女嬋娟耀漁郎毫燥厥有
人舉繡被無客傲鵝裘貨貝窮乾沒醪羞肅丐求東枯
論沃釜戒覆比傾軻眾水杯思濟吾防果未周貼危心骨
醉飄泊面顏羞敢計乘桴去何知戴笠遊片帆真擾擾
雙影轉悠悠卑涇差梁傅星霜掛魏牟勞歌慙歸日穩權
麗付平頭烏鼓綠萼置黃輶爲贈謀清螺取歸日穩權
聽夷猶李綱彭蠡詩神禹治水江爲最選迤委蛇鍾
作匯泓澄不獨陽鳥居浩蕩端使羣川會羣川已會江
不端朝宗到海東南安燠收雲斂望不盡眼界始知天
宇寬世傳揚瀾并左蠡無風白浪如山起我今謫臣此
中行何事恬然風浪止陽侯也是可憐人不學世人均
世情好風已借一帆便霽色更增雙眼明晚來畫舸鳴
六勝超忽千山如脫兔波心突兀見星宮雲際崢嶸望
廬阜世間此景良不多洞庭三峽眞么麼共浮大白期
一醉對此不飲當如何楊時鄴陽湖觀打魚詩秋高
水初落鱗介滿沙脊浩如太倉粟甯復數以粒紛紛漁

舟子疑若俛可拾橫湖沈密網脫漏百無十蟲蝦雜魴
 鯉駢首吐微溼小利口舌刀机汗鱗鬣鯢鮓亦狼狽
 風雨移窟宅玉淵有神祠變化在噓吸胡甯飽瘠香忍
 視萬魚急幽潛不足恃感歎百憂集寄謝漆園吏於計
 未為得明顧祿過都陽湖詩臨行釀酒醉湖神打鼓
 開船出要津雲霧氣蒸迷日月波濤聲撼震乾坤放歌
 今日容豪客破敵當年想至尊陽湖尺南昌郭近且將
 雙足洗征塵林常風雨過鄱陽湖有雪詩三月兩多岸
 風滿天湖中高難繫船大魚跳浪白如雪人生百年
 青於煙去官莫過彭澤縣讀書擬上匡廬巔人山隔
 苦行樂帝鄉遙遙心自憐楊惟休詩片席攬澄湖青
 天望眼孤中流失南楚大地圻西吳水戰龍飛去山空
 鶴返無浩歌舷自擊春色滿平蕪國朝王原霧過鄱
 陽湖詩水落湖生漢舟行利往還圓沙分雁渚矮屋占
 魚灣身世浮沈際風煙蒼莽開旅懷頻託興詩筆滿江關

汝池湖在新建縣南二十五里

黃白湖在新建縣南七十里一名柏湖中有鳳溪山九

龍井地識云兩水夾紅沙狀元出誰家湖田磽瘠明喻

均有議復黃白湖田則碑記

金鐘湖在新建縣天寶洞上周廣三丈唐武后賜天師萬振金鐘玉磬後遺湖中湖有石榻存焉

百斤湖在豐城縣東十里溉田五百餘頃又東爲株湖長十餘里溉田千餘頃

銅湖在豐城縣東二十五里上通豐富二水下接撫州河

蛟湖在豐城縣西十五里源發劒池東北流五里許匯爲湖流入長樂港灌田數百頃

坪巷湖在豐城縣南接豐富水一縣水所鍾溉田五百餘頃

敖家湖在豐城縣城西廣袤百畝外爲敖家壩內爲裏壩爲縣要害又有楊柳湖亦廣袤百畝濱於裏壩

蓮花湖在豐城縣北五里流繞縣治前卽腰帶水

藥湖在豐城縣北五十里宣風鄉周廣四十餘里相傳
眞君許遜經此水蛭黏其馬足投丹湖中水蛭遂絕其
北隸新建縣

軍山湖在進賢縣北四十里一名南陽湖延袤五十餘
里有軍湖書院遺趾

日月湖在進賢縣東北二十里一名洪源湖中有二小
山東曰日西曰月水涸分爲二漲則合爲一湖中有灘
曰石人識云日月湖明良將出石人灘合狀元生明正
德閒舒芬應之

青嵐湖在進賢縣西北英山之北一曰清南湖以清溪
南陽二水皆出於此也又曰洞陽湖中有閃山

白沙湖在進賢縣西北亦曰武陽湖與南之大小沙湖相連延袤四十餘里

馬祖湖在義甯州西四十里崇鄉相傳馬道一往黃龍山經此故名

武陽水在南昌縣東三十五里自撫州府臨川縣流入又北經新建縣界入東鄱湖亦名撫河卽古盱水也西洛水在南昌縣東南七十里源出盱汝東北入武陽水又東北入鄱陽湖

蜀水在新建縣西南六十里本瑞州高安縣錦江東流入南昌境合象牙潭水入章江舊傳晉元帝時大疫人詣許遜求療時爲蜀旌陽縣令與水一器令投上流飲者皆愈故名按班固漢志已云建成蜀水東至南昌知

傳者之妄也

芭蕉源水在新建縣西南五十里源出施仙巖合霞源
潘源二水縈流七十里入蜀水又麥源水在縣西四十
里白石源水在縣西三十里皆流入蜀水

銅源水在新建縣西三十五里源出香城唐光化中銅
溢故名

李岐水在新建縣東北流經趙家圩東至漁門口入鄱
陽湖

上僚水在新建縣西北一百二十里源出建昌縣經奉
新縣流至此一作上僚江表傳稱海昏上僚津有五六
千家相結聚作宗伍惟納租布於郡吳志稱孫策勸廬
江太守劉勰攻取上僚是也雷次宗記上僚有亭亭側

有三百家

零韶水在豐城縣東南一百十三里源出撫州橫河
西流入縣界隱溪水東流入之

富水在豐城縣東南一百二十里源出羅山流合豐水
豐水在豐城縣南一百八十里源出杯山舊由長樂港
入章江每春漲江水逆入爲患明永樂間書民楊長和

疏請設隄障之導其流入三溪津達中溪環邑南與富

水會至小港口入章江宋徐鹿卿豐水賦豫章古號句

而分封漢錫以富晉名曰豐梁暫界撫清復隸洪環困

洞洞鎮山密宗既肅社於爵列亦要銀於縣公起造物

之休息產人傑之冲融經學齊緩衣冠魯風仕少宦情

俗與古同操觚懷鉛莫備形容容身自丹陽啟土長觀中

夏命干將於吳產資越工於歐冶鑿泰驪以出鉞誅風
胡而定價發龍淵之新礪與太阿而更霸愕千仞之壁
立浩萬折之傾瀉驚肩越於兕甲指蜚騰於駟駕火精
潛閭於吉土晉族瑟縮而退舍武皇築宮以旌異章帝

親題而賚下何靈物之銑迹淪古犴而不赦紫氣輪困
而貫斗寒芒刻奕而爭夜孔章雪鏑於久蟄壯武服之
而驚佗始丙粲於北巖終耿光乎少華眷天寶之必復
賦延平之燿化凜冲氣之攸在非見驟而驚乍玩雙鐔
之書贊豈取次而借假迺若芙蓉浴日池山躍龍真靈
所棲厥惟始豐新邪是營永徵偃功章水徑其北曲江
匯其東帶二水體林之交交流矜三洲之長雄洪瀾舞蛟
巨隄眠虹下千艘之粲白動槓牙之颭紅灌輪輻輳泉
貨阜通若夫晚渚無波夕景涵空聽煙外之鳴榔認庭
邊之短篷彷彿笠澤依約吳淞晞鳳巢其高岑驚雉啐
之橘宮竦踈神前聞多觀後躅威鳳巢其高岑驚雉啐
幽谷窈窕樓屏之文如在騎省之貌肅鄉標長善詩妙
翁之讀鼃池以心敬料孝泉而貌肅鄉標長善詩妙
羣玉類墨龍社亦歌鸞精行達孝而錫封壽春羈忠而
安洲既霧龍社亦歌鸞精行達孝而錫封壽春羈忠而
列仙追憲表之清風誦少陵之達孝而錫封壽春羈忠而
出塞於左賢嗣銀篋之忠厚策動證豐碑之瑞錫或居鄉而
化行或啟宇以旁延忠厚策動證豐碑之瑞錫或居鄉而
年徇一節而尸祝壯九拜而極言偉三稱信誼成德於同
忤於師垣詩矜豪於痛飲賦雄誇於會三稱信誼成德於同
堂晤賞音於平川句折良史之奇學富尊經之篇或交
臂於付或冠倫於鬢省仲謙議於鬢雌建遠國於推
茗飲孝著於宰木慕廉稱於五齡或用鍼於百乘裁效尤之緒
祠之干正或垂車於五齡或用鍼於百乘裁效尤之緒

繹子獨除之僥倖外夙著於模楷內兼優於文行扁華
椽於補史助師說於西岡咏春還之清詩諷金影之
章議論欲超於峩岷種藝或規乎壽張墮謫仙於樊
精象數於草堂書哀至孝之通神卒感仁壽而弗忘
黃虛之高標想西陂之逸韻賦嚴楓而軒渠誦藹難
奮迅慨玉樓之感歌弔竹坡之形影揭誠齋之墓表
水心之篇詠宜蠻觀德以心化淫瀕收波而神聽或
養於宋府或厭直於儀曹指退軒之奎文問竹坡之
豪或廉問於兩驂或通夢於三刀莫不富水其清猴
其高位不滿才榮未副褒或默或言各惟所遭道有
降一人之本薰然慈仁告新令尹雷裴顯晉張柳稱
亦有朱馮可以播揚詩稱水部律進奉常或振廢以
食或鞭石而固防旣南顧陳臨汝表江返俗習以改
樂半環而祀王贊府景伯專嫵有唐非無印曹上坡
赫赫明府於昭大興發揚溥謝魯無君子斯焉取斯
羅溪水在進賢縣西二十里一名清溪源出羅溪嶺流

至英山北入青嵐湖又北入南昌縣界爲南湖

院澤水在進賢縣東南五里源出柵山匯於臧溪蜿蜒
九曲繞學前合通濟港流入青嵐湖

潤陂水在進賢縣東七十里源出雄嵐峯北流匯於陽方湖又東北至餘干縣界瑞洪鎮入鄱陽湖

三陽水在進賢縣北六十里以南陽洞陽武陽三水合流入鄱陽湖故名

馮水在奉新縣南一百五十步源發百丈山圖經云昔漢徙江東馮氏之族於海昏因名

龍溪水在奉新縣西二十里源出藥王山流經縣界南合馮水梁天監中獲四目龜於此

華林水在奉新縣西南四十里源出華林山縈紆至縣東馮田渡與馮水合

桃源水在靖安縣西北源出桃源山南流入雙溪

大橫溪水在靖安縣北四十里源出寶峯寺側

磧溪水在武甯縣東二百步源出雙嶠山繞城而西又南入修水今已失其故道詳見水利志

清江水在武甯縣西南八十里源出銀鑪山北流入修水亦名義浦又縣西南有楊湖港一作洋湖水源出義甯州

大源山北流至縣界合清江入修水

高坪水在武甯縣西六十里源出大源郭坑諸山又煙港在縣西四十里源出太平山俱南入修水

汾水在武甯縣東北七十里亦曰分水泉源出梅崖山西北流七十里入湖北興國州界合楊新河

鳳口水在武甯縣東南七里源出石規三卷山

修醴水在武甯縣西四十里源出大孤山入修水

修水在義甯州西六十里源出黃龍山納眾水東北流

六百六十里入鄱陽湖以其修遠故曰修水水經注訛

為循舊傳郭璞識云有水名修有魚名儵天下大亂此

地無憂見宋洪芻職方乘謹案循儵字隸體作循儵二

以來又多以彡部之修代月部之儵於是循誤為儵儵

又改為修字治習不察轉以作循者為非今武英殿

校刊水經注仍作循水不改蓋知鄭注原文之非謬也

郭璞識有水名修修當為攸字之誤水經洙水注所謂

攸水出安成郡安復縣封侯山是也然郭識或出附會亦不足深辨耳

秀水在義甯州治東源出鳳凰山南流入修水又安坪

水在州東二里源出毛竹山北流入修水

武甯鄉水在義甯州西南二百四十里源出大瀉山東

流合東鄉水至龍嘴崖入修水

東鄉水在義甯州西南一百二十里源出祥雲山東北

流至赤江津入武甯鄉水又鹿源水在州西八里源出

鹿源山南流經直港入東鄉水

東津水在義甯州西一百十里源出東津山東流入修水

百葛水在義甯州西北九十里源出大湖山東流經大石渡口至馬子湖入修水

杭口水在義甯州西五十里源出小流山東南流出三港口入修水曰杭山口

鶴源水在義甯州東北七十里源出九宮山南流與修水合嘗有羣鶴飲集於此故名

汨水在義甯州西源出黃龍山水經注作桓山西流入湖南平

江縣界謹案舊志以汨水爲汨水據水經注寰宇記改正

澗水在義甯州西源出黃龍山西流入湖南平江縣界

江右通志卷三十一
杏花

謹案舊志誤
杏苑今改正

水在義甯州西一百二十里源出幕

阜山流經查田津入修水

唉溪在南昌縣東南一名自家溪周四十餘里

曹溪在南昌縣西南八十里其派分自三江流至萬舍
合西洛水

槎溪在豐城縣南八十里源出猴峯西流經黃金橋入
文江過黃沙瀝烏石岡隨地築堰三十餘所利灌溉晉
太守范甯得靈槎於白石墓故以名溪

杭溪在豐城縣西源出介山匯於藥湖又會筠河入劔
江

藏溪在奉新縣西十里延真觀側

雙溪在靖安縣西源出毛竹山一厯南源達追里一厯

象湖達桐城二水分繞縣城故名至縣東合流入安義

縣界會馮水

義溪在武甯縣西一百里源出西港昔有周姓者七世

同居故名

紫陽溪在義甯州雙井下黃善所居之地

梁溪在義甯州東七十里源出程山北流經小港入修

水

象牙潭在新建縣西南八十里其洲灣繞狀類象牙元

中象牙潭詩水禽兩兩樹三三近前遙峯隔嫩嵐新換

一天秋色別短篷又過象牙潭明劉永之和友人過

象牙潭詩一曲寒山照水清哀鴻驚鵲亂江聲浪翻白

雪千尋險天接浮雲萬里平前輩總隨煙霧盡虛名真

似羽毛輕高懷欲棄人閒事同向天台訪赤城解緇

象牙潭詩人家橋袖醉晴嵐龍鳳洲長勢疊三西去一

山如翠帶舟人

生米潭在新建縣西南四十里翻車岡之東上有生米
市世傳有人投生米於潭中捕魚不覺行入一石門煥
然明徹見白髯翁曰此非汝所宜來漁人遽出登岸入
水已三日矣或云此卽西山天寶洞南門也一說旌陽
僕夫許大覆車遺米於地米皆復生故名宋劉弇舟次
東北有雲如潑墨舟子熟視無人色忽然白氣變飛翻
勃怒波神起乘隙初從下游架玉墨須臾一望熬酥白
琳宮蒼茫失向背野鳥高飛避羽翼紛紛翻舞殊未
萬馬躍入朝周客陽侯睢時推選鋒勢欲盡取奔鯨
崩騰豈啻陵谷改刷滌似病津涯窄大舟踰踰愁失
小舟呼天手加額開於盤渦拆腥沫疑課鮫魚助奔
濫川病客簍欲偃賴是經廢逃不測等閒觀縷戒衣
倉卒何功補淪溺晚來風息回安瀾猶自漫空認飛
咄嗟鴻毛寄微命一朝濱死真兒劇明知屏翳不吾欺
何堪失便垂涎得明解縉過生米詩玉隆西上園生
米贛水東流出小澆鳥相白
沙紅石島游帷觀裏學吹簫

化龍潭在豐城縣西南七十里

蘆蒿潭在進賢縣北八十里其水通臨川縣積煙山龍穴宋淳熙間旱舟人見五龍升降其間翼日乃雨馬投潭在奉新縣西四十里中會邨俗傳司馬頭陀於此潭赴水從頭陀山寺後井中出今呼爲司馬井泐潭在靖安縣寶峯寺旁潭中有石如木魚擊之有聲有石如硯注水一泓四時不竭

龍潭在武甯縣西一里其深數丈宋詔建放生池於其側近岸有磐石名龍潭石臺又縣南一里有節婦潭相傳宋戴復古妻投水處

犀津潭在義甯州西三里一名西津壁間有白石狀若月倒影於水過客疑以爲寶盜鑿之其影遂滅石池潭在義甯州西四十五里

石掌灘在靖安縣西四十里其水出桃源山南流五里入雙溪

三洪灘在武甯縣東七十里亂石縱橫其勢最險又有東渡灘鳳口灘鹿角灘徐灘車頭灘涇灘鷺鷥灘俱在縣東

新縣灘在武甯縣西三十八里唐景雲間新遷縣處又有張家灘梅瀨灘惡瀨灘抖擻灘大湖灘牛渡灘蘆陂灘渠良灘醴溪灘桃林灘影灘新開灘斜石灘俱在縣西

大神灘在義甯州東三里又東一里爲小神灘

高城灘在義甯州西十里故西安縣城側又洪水灘在州西九十里

池陂港在進賢縣東四十里亦名南陽水源出香鑪峯西北流入洪源湖又北匯於軍山湖入鄱陽湖又通濟港在縣東南源亦出香鑪峯北流匯青嵐湖

鍾陵港在進賢縣東五十里源出師古嶺流經潤安渡入軍山湖

長樂港在進賢縣南三十里亦名臧溪以臧嘉猷居此得名

官塘源港在武甯縣西亦名腰帶水源出神童山南流經縣西門入修水明宏治中龍水衝突穿縣治入江嘉靖中障復故道

潭源在新建縣西五十里自簫峯下流爲西山七源之

白石源在新建縣西三十里源出梅嶺下灌田四百餘頃相近有銅源唐光化中銅溢鍾傳采以鑄鐘磬又有吳源其水自西山風雨池奔注灌田千餘頃

黃源在新建縣西南五十里簫峯下縈流六十里合蜀

水入象牙潭

宋袁陟詩買田簫峯下結茅蒼松根寄謝昇平時歸興在黃源

香城源在新建縣西八十里發源香城山曲折注於洪崖入鸞陂

慨江口在新建縣北八十里源發義甯州經建昌縣又東流至此與章江合漢昌邑王賀徙海昏每乘流東望輒慨憤而還故名俗譌爲漢口

白沙口在新建縣北樵舍鎮下西北流經昌邑王故城東南至神塘湖轉流入慨江口

南浦在南昌縣西南廣潤門外往來艤舟之所濱江有

湫龍湫宋王安石南浦詩南浦隨花去迴舟路已迷

華掠我有新詩含風鴨綠縈起弄日鷺黃巢去自

明楊基發南浦詩開船別西山迤邐向南浦黃巢去自

速初不用篙櫓蒼蒼煙中樹橐駝響斤斧一女沙上汲

眾漁洲畔語我行歲云晏況復悠悠片影楚江歸鴻翻

輕陰傍釣家乍逐渚煙籠草色還隨離月隱蘆花風吹

喉隔殘雨日絢晴暉帶落霞幾度雁歸迷宿處數聲

當年鋒鏑尚心驚旌旗不動山河影鼓角猶傳草木聲

已喜閑閣多復業獨憐饌未寬征迂疏何有甘棠惠

慚愧香燈父老迎魏良器南浦舟中述景詩南浦東

風吹客槎山南茅屋傍雲霞漁翁寒釣半江水隔岸春

鳴鴉乾坤生意憑誰領南鵝青青草自芽

青雲浦在南昌縣南十五里產異花名七里香有梅仙

祠

龍湫在豐城縣西南三十里眾峯坳處內有蟄龍積雨

久旱水無增減中有石色深黑可琢爲硯

龍沙在新建縣北帶江酈道元云沙甚潔白高峻而陀

有龍形連亙五里舊俗九月九日登高處也亦名龍岡

唐孟浩然九日龍沙作寄劉大有虛詩龍沙豫章北九
日挂帆過風俗因時見湖山發興多客中誰送酒權裏
自成歌歌竟乘流去酒酒任夕波戴叔倫奉陪李太
夫九日宴龍沙詩邦君采菊地近接旅人居一命招衰
疾清光照里閭去官慙比謝下榻貴同徐莫怪沙邊倒
偏霜杯酌餘權德輿奉陪李大府九日龍沙宴會詩
龍沙重九會千騎駐旌旗今日從公醉全勝落帽時又
蕪歟暝色霜菊發寒枝外寒江千里色林中尊酒七人
期
甯知臘日龍沙會絕句簾外勝重陽落帽時宋潘興嗣
詩五陵無限人密視龍沙記龍沙雖未合氣象已靈異
昔時蛟龍湫半作桑麻地地形帶江轉洲浮有連勢陵
谷豈可常淵寶在何歲微生久慕道安恬輒忘味愧無
及物功碌碌尚匏繫生蒙塵土厚未受神仙祕如何時
孤鶴一再冉從此逝明會榮榮沙夕照詩晴和如雪照
斜暉一望川原夕靄微霜落空林秋葉下天連遠水暮
帆歸殘煙漠漠孤城閉極浦蒼蒼一雁飛自是江南多
勝槩此中風景世應稀朱多炆龍沙詩龍沙駐蹕地

皇祖紀南征草昧君臣定壺漿父老迎平臨章貢水遠
視灌嬰城今古雄圖在低徊落照明朱謀圭秋日龍
沙社集詩結駟城外游春此郊原靜崎嶇降龍沙悠
然見西嶺風日暢幽懷煙光澹雲影松門初地閒清
磬出禪境黃菊籬下繁紅芙木末冷心口既雙清和
歌答佳景擾擾塵壚中眞樂誰其傾國朝王元度古
龍沙詩大地誰搏萬斛沙蒸雲吹浪繞龍華銀河倒
影痕俱淨劫火成灰勢愈加謾訝回風清佛土還期
望氣長仙葩人閒陸海毋勞問一片澄湖寫落霞

百花洲在府城東湖內宋紹興閒轉運副使張澄建講
武亭於其上以習水軍亭久廢

國朝康熙二十七年巡撫宋犖建亭樹四十三年巡撫李
基和築假山五十七年巡撫白潢繞洲甃石築百花橋
古講武堂滄浪亭雍正八年巡撫謝閔環隄植柳數千
株春夏閒蔥鬱可愛乾隆十一年布政使彭家屏顏其
廳曰水木清華之館四十二年巡撫海成築隄以通蘇

圃四十五年巡撫郝碩改建樓閣道光閒巡撫錢寶琛
修咸豐閒圯同治四年巡撫沈葆楨於洲建張芾江忠

源祠其餘亭臺皆新之一國朝蔣湘南百花洲銘北海

所無北海一湖歷下亭古我昔遊之蒲風荷雨南海一

湖百花洲小式今居之夢魚醒鳥虹腰左回翬翼右轉

雲依樹幽月印波顯方亭我我如跨鼉背孕陽孩陰榮

高飾碎霞送紅來煙收碧退萬景空集騷人意會引目

而前城縮山長拱揖列屏如規在掌俯瞰金堤率蕪帶

蔣不聞菱歌但間習響此湖掌故羣曰南塘其廣十里

分自章江張躬守漢韋丹吏唐節之派之阜民用康有

功則祀宜報馨香漢唐下逮幾幻滄桑三湖錯列一漲

汪洋釣遊有憩公宴有堂胡為闕如未祠循良我銘樂

石告諸豫章感今裏古秋水天長明劉松百花洲詩
鳴榔百花洲繫船楊柳樹乳鴨湖上歸浮沈不知數
國朝熊文舉詩雨水夾隄岸因風生遠鱗古祠煙雨老
虛閣畫圖新樹瘦知年事鴉嚙憶故人巾市余久曠陳
迹盡傷神吳炯詩瀟灑玻璃好面城飲川虹互晚波
平春風笑入花叢去天氣愁將柳絮迎轉瞬韶光空跌
宕不磨名節自縱橫誰人識得蘇卿意月印洲前一片
明楊毓健詩誰道蓬瀛在海東仙源咫尺小橋通翠
塵迴隔清流外砥柱孤標巨浸中百雉城闔環靜影萬

家煙火映晴空雖然邱壑
無多地盡日登臨興不窮

蓼洲在南昌縣西一里一名谷鹿洲酈道元云贛水又
逕谷鹿洲卽此北堂書鈔作舳舻洲云是呂蒙作勾鹿
大編處

黃牛洲在南昌縣西南一里

一作十里

相傳許旌陽逐蛟至

此化爲黃牛又西南十里爲吳家洲在沙井上又有滕
家郭家二洲

鳳凰洲在新建縣西章江中自章江門外橫阜經夕佳
樓抵石頭口如鳳翼然

楊子洲在新建縣西北章江中周二十里洲上有唐李
承鼎廟形家言三墩九洲皆順水砂惟此洲爲水口逆
關舊有江天閣龍華塔俱廢

苦竹洲在豐城縣西南十里許其洲多竹昔陳高祖霸先遣周文育帥師禽歐陽顓於此

三洲在豐城縣北小港外上楊林中牛宿下金雞識云三洲相連必出狀元

龍霧洲在豐城縣北四十里中皆橘林今稱金鐘口相傳宋世有漁者得一金鐘博識者謂爲宣和故物洲左有羸螭石

龍馬洲在進賢縣北四十里軍山湖畔又縣東北四十里有迴龍洲宋淳熙中獲白龜於此

漉洲在武甯縣東十里又縣西南一作南十二里有費家

洲縣東七十里有團洲

馬家洲在義甯州南一里舊有黃庭堅祠

石頭渚在新建縣西北十里水經注贛水西岸有盤石
謂之石頭津步陳書蕭勃舉兵廣州新吳洞主余孝頃
舉兵應勃遣其弟孝勣守郡城自出豫章據石頭實宇
記晉殷羨爲豫章太守都人附書百餘封行至石頭渚
以書擲水中曰殷洪喬非是致書郵故時人號爲投書
渚一稱石頭津今爲石步鎮置石頭驛

鰲池在南昌縣東梅福故宅內後入太乙觀

石臼池在新建縣西北六十里樵舍鎮池側有石如臼
俗傳許旌陽擣藥處

泣冰池在新建縣西南松湖鎮元孝子陽

元史作湯

霖泣冰

處

風雨池在新建縣西七十七里洪井北西山最高頂四

面山巖人迹罕到唐權德輿西山風雨池記山林川谷

祭之鍾陵風雨池在西山洪井之北發源山椒派分脈

散清淺數里匯歸於茲石壁峭絕泉流其下信乎精氣

之所回復風雨之蓄泄邦人敬嚮相傳名之並山北

下二十餘里有望祀之地祠宇以神之輕重報之遲速祈

農之望歲於是乎在祀之豐約在德之輕重報之遲速祈

誠之薄厚大夫李公理江以西三年寬仁清淨正德利用

以黃韓篤厚之化易吳楚剽輕之俗里閭之閒歌頌相

聞歲在丁卯六月大旱公勤身焦思所以救之於山下

日潔誠有事於神齋心夕往感通山澤厥明致陰陽之

達於祠宇精神旁魄靈既交感通山澤厥明致陰陽之

液徧蕩灑痼疾布之休和自時厥後庶欲咸若茂遂甘

物登成甫田而所治七侯如公之誠各修其封內之

祀化彼災沴為蠶為福其或散為祥風結為卿雲紛綸

歲穀奔走來告繇是九江之西歲用大穰昔董仲舒推

陰陽啟閉之數相區區江都之地用無饑年以前史書之

況我公察廉八郡政成化洽人有頑薄之俗以誠革歲

有水旱之沴必書德與從事於公記事之盛也春秋時國

有史氏君舉必書德與從事於公記事之盛也春秋時國

仁池之神明德參會若合符節是用追琢巖石俾邦人之

識之時貞元三

年八月庚子記

放生池有二一在府城東湖之西唐先天二年都督張廷珪奏置一在新建縣西北十里石頭津

九子池在豐城縣東南苦竹邨相傳鳳凰將九雛飲此劍池在豐城縣西南三十里晉雷煥得劍處

九龍池在奉新縣西南四十里浮雲宮前宋胡仲堯創華林書院學者嘗洗硯於此亦名墨池

天澤池在靖安縣治後宋邑人舒邦佐所鑿

磨劍池有二一在義甯州治東隔修水一里一在州西二十里舊傳許旌陽逐蛟於此磨劍

青龍沼在武甯縣東三里相傳有青龍出此因名又桃花峯側有丹沼

馬跑泉淺沙泉俱在新建縣北舊薦福院敷佑廟壇下

北曰馬跑水極清冷南曰淺沙深纔二尺冬夏不竭

止戈泉在新建縣西龍沙

國朝萬任止戈泉詩亂後重尋舊路過水操亭畔一僧

窩資茶細數前朝話
記得泉名是止戈

上泉在武甯縣東北六十里利灌溉

溫泉在義甯州有三一曰石壁溫泉一曰白沙灣溫泉
俱在武鄉一曰長茅溫泉在安鄉

瀑布泉在義甯州西七里自雞鳴峯西流出修水北岸
石上飛流直下三十餘丈

冷煖泉在義甯州西一百八十里黃龍山二泉相去數
尺一冷一煖宋時有僧合爲池以浴疾者多愈

龍井有二一在南昌縣鍾陵鄉慈雲院內每風雨井水
常鳴一在城東南總持寺春夏不增秋冬不竭

蛟井在府城西故上藍院一名橫泉相傳許旌陽逐蛟蛟奔於井又云梁葛鰐宅東南井中有兩龍鬪半月不解鰐懼捨宅爲寺今南昌縣治也

鐵柱觀井在府城廣潤門左舊傳井與江水相消長中有鐵柱許旌陽所鑄以鎮蛟螭考鐵柱有二其一在西山雙嶺南明宋濂有鎮蛟靈柱頌

魏夫人丹井在府城建德觀井覆以亭夫人卽南嶽紫虛元君晉世修真於此彭真人丹井在宗華觀南宋宣和中浚井得石匣內有小金盒貯二丹

呪劍丹井在南昌縣西蓼洲妙濟觀內

謝公井在府城東東山寺相傳靈運於井側注老子等

經

唐泉井在府城孚應廟有古槐傳是唐崔隱士手植或云廟神卽崔子玉以輔佐東嶽而祀之也

沙井在新建縣西石頭津上許旌陽有江沙掩井吾道復興之識

八角井在新建縣小石頭西五里世傳鎮南節度使鍾傳家井

鹿井在新建縣西南七十里久駐邨井在溪中天旱溪涸井乃見紫石迴旋膚色光瑩石罅中清泉湧出以烹茗輒成紫色曾有羣鹿飲其中故名

梅仙壇井在豐城縣西北十里相傳梅子真嘗窖丹砂於此井水所漬多化爲禹餘糧土人呼爲石中黃

聖井在進賢縣舊麻姑觀東乃包真人顯蹟處優游井

在崇真觀臧嘉猷所鑿張道姑井在明心寺水或五七年一湧

劉真君丹井在奉新縣昭德觀晉劉道成煉丹所宋元豐七年蘇軾過此題云五月九日寓新吳同縣令李志中謁劉真君祠酌丹泉飲之卽此井也久堙明宏治閒知府祝瀚掘井數丈得劒印各一劒攜去印存本觀涂七公井在奉新縣東六十步長街南七公廟前初七公卜徙縣治爲民鑿井象七星此井水尤甘

法藥井在靖安縣法藥院內相傳馬祖道一鑿池出水以飲疫者

泉井在靖安縣西石馬都上林其泉由南東流灌田四百五十畝

雙井有二一在義甯州南三十步昔人掘二井以制火

災稱雙井前有午山亦名午水一在州西三十里黃庭

堅所居之南溪心有二井土人汲以造茶號雙井茶絕

勝他處宋歐陽修雙井茶詩西江水清江石老石上生

白毛囊以紅碧紗十斤茶養一兩芽長安富貴五侯家

一啜猶須三日誇寶雲日注非不精爭新葉舊世人情

豈知君子有常德至寶黃庭堅雙井茶送子瞻詩人閒

團不改舊時香味色黃庭堅雙井茶送子瞻詩人閒

風日不到處天上玉堂森寶書想見東坡舊居士揮毫

百斛瀉明珠我家江南摘雲腴落磴霏霏雪不如為公

喚起黃州夢獨載扁舟向五湖又以此雙井茶送孔常

父詩校經同省並門居無日不聞公讀書故持茗椀澆

舌本要聽六經如貫珠心知韻勝舌知腴何似寶

此府以上並據

川二瑞州府

錦江在府廨北一名蜀江又名錦水亦稱筠江江自萬載縣界流入合黃港益樂盧江諸水東流新昌縣界合澄溪柘溪諸水又東經入上高縣界合淩江水繞縣城又東入高安縣界歷府城中又東至南昌府新建縣之象牙潭入贛江

宋蘇轍乘小舟出筠江詩短舫漂浮真似葉小篷低淺僅如巢幽吟但覺山川

走困睡不知風雨交紅飯白醪供醉飽青簑黃弱可纏包一竿鶴髮他年事萬斛龍驤任見嘲

鐘口江在高安縣南三十七里源出荷山相傳梁時人於此獲古鐘九乳形制奇古故名北流入錦江

淩江在上高縣南一名鹽溪又名若耶溪源出入疊山東流經縣西合滕江入錦江

棠浦江在新昌縣東四十里太平鄉諸水合於此經上高出安塘河入錦江

滕江在新昌縣北三十里天寶鄉諸水合於此達鹽溪出淩江口入錦江

清湖在高安縣東十五里水四時清瑩明巡撫韓雍訪隱士朱孔彰於此

蔣家湖在府城南稅課司之下又南城內東南隅有陳家湖市河經其中又白練湖在高安縣廨後

平湖在高安縣南十五里有鷺橋鷺峯諸景又南五里爲珠湖世傳丁王二仙遺珠於此

藥湖在高安縣西南二十五里相傳呂洞賓曾遺丹於此故湖蛙不鳴銅湖在高安縣信義鄉注田數千頃接豐城縣界

白家湖在上高縣五里許灌田甚廣

白澤湖在新昌縣東二里相傳晉許遜洗衣於此至今水不污濁一名濯湖縣北十里有松湖舊有熊氏花園龍口水在高安縣西南六十里一名談口水源出蛟湖北流至花園渡入錦江

華陽水在高安縣西南七十五里一作一百里源出臨江府

新喻縣界東北流至華陽北入錦江

曲水在高安縣南六十里發源蒙山流出潦澣口東入贛水

隱泉水在高安縣南三十里鈞山東北泉沸湧出於平田自三十六陂流出曲水橋入臨江府清江縣界合贛水

鳴水在高安縣西北六十里源出華林山頂有石高數

丈以物扣之其聲如鼓故名東北流入南昌府奉新縣界

斜口水在上高縣西十里源出蒙山合末山九峯水厯深邨斜陂入錦江

六口水在上高縣北十里源出上夫山西流折南經河西陽樂花陂至六口入錦江

南港水在上高縣東十里源出印塘東流入錦江又潭埠橋水在縣南六里北流入錦江

界埠會水在上高縣東南二十五里源出纏盤山東北流有小溪來會之合流入錦江又城溪亦在縣東南二十五里源出寶雲嶺東北流入錦江

小溪水在上高縣西南八十里源出浮樓嶺東流入錦

江縣西八十里有黃田岡水發源出袁州府萬載縣界南流入錦江

石洪港水在上高縣東十里源出上夫山東流合沙溪武泉至甘羅渡入錦江

益樂水

一作易樂水

在上高縣西南一百二十里亦名石曹

坑水源出袁州府宜春縣洪武寨下至石曹橋入縣界又會乾陀嶺水經蓮橋爲義江又會田心小溪諸水至紫府口入錦江

章舍水在上高縣東北三十里源出新昌縣黨田塘浦入縣界經黃塘河洲至廣樂園之河口腦入錦江

白竹港水在新昌縣西四十里源出高嶺南流經止高縣界入錦江

小斜川在新昌縣西南二里翰苑臺之下宋僧覺範以其風景類潯陽斜川故名元至正閒構亭於上曲折流入淩江

市溪在府南城內一名市河錦江水分流自西北隅靖安門入城經三讓橋世濟橋迤邐而東出朝陽門復入於江歲久湮塞明正德八年知府鄺璠濬之可通小舟國朝康熙九年知縣張文旦濬乾隆九年復濬

碧溪在府城中自幸龍王廟前流經通眞橋至府學前入錦江

務農溪在高安縣東三十里其水自新建縣界流經縣東入錦江

鏡溪在止高縣東三里源出鏡山南流東折至石家渡

入錦江又沙溪在縣東北十里東流合石洪橋水入錦江

敖溪在新昌縣東十里又縣東三十里有澄溪樵溪六十里有靈源溪七十里有宜豐溪東南二十里有清水溪縣西四十里有德溪五十里有蓮溪縣北四十里有儒溪汭溪西噪溪下流皆入錦江

茶溪在新昌縣東三十五里源出分鄉嶺流入上高縣界入錦江又縣東有枯竹溪東流出縣東七十里湖城橋入高安縣界合私溪亦曰湖城溪

西溪在新昌縣西源出南昌府義甯州界經縣東流入上高縣界

東溪在新昌縣東北源出南昌府奉新界經縣流入上

高縣界

方塘溪在新昌縣西四十里亦稱方塘江源出黃檗山流入上高縣界

秀溪在新昌縣十五都一名查溪相傳晉陶潛第五子佟居此有淵明讀書堂靖節橋遺蹟

末山潭在高安縣北米山西一名米山潭極深險相傳有巨牛赤尾陰晦輒出傷禾稼人畜唐刺史應智瑱除之塞其潭

幸龍王潭在高安縣西五里相傳唐祭酒南容五世孫潭字子淵有異術經汴都嘗致書於鄉人曰城北門數里有潭旁有古木卽吾家也叩之必應持書者如所戒果有二童子出俄一丈夫繼之宛如汴都所見邑人異

之爲立廟歲旱禱雨輒應歷代敕封龍王

樟樹潭在上高縣城西儒學前一名學潭鳳潭在縣西五十里雲末峯之巖下

龍潭在新昌縣有三一在二十九都雲峯壇一在三十都元道觀一在四十都黃檗山

鮎魚洲在高安縣東二十五里當錦江水口之衝中流突起竹木縈迴春夏水溢洲隨水長秋冬四周白沙如雪上有樓閣可供游眺

鷓鴣洲在上高縣東里許羅漢石東又月沙洲在縣東二里許亦名狀元洲

仙姑洲在上高縣西七

一作六

十里俗傳有女仙經此

祿陂洲在新昌縣東南舊儒學之左

進龍池在府城中縣學右南流入錦江舊爲學池棄以
畀民明正德十年知府鄺璠復取隸學宮又府城鍾秀
門外有紅菱池亦隸學宮

鳳池在府治東鳳凰山旁宋時於池上建澄碧亭

飲馬池在高安縣北五十里浮雲山南甘泉清冽相傳

唐刺史應智瑱義兵屯山下嘗飲馬於此

磨劒池

一作劒池

在府廨後圃相傳仙人李八百淬劒於此

中產白蓮宋黃庭堅賦製劒池之菡萏以爲裳者是也

又新昌縣北七十里亦有劒池傳是晉許遜磨劒所

星落池在新昌縣南三十里相傳有星墜地成池旱潦

水不盈竭

圳泉在高安縣南八十里南城邨又高安縣西北馬鞍

嶺有吳城

一作觀

瀑布泉

武泉在上高縣北十里泉深莫測溢爲沼中多蘋鯉俗云不可食取食輒死上有晉皇甫武將軍廟故名

普潤泉在上高縣西十五里章岡亦名貫珠泉自石竇迸出莫窮其源循石厓爲平池昔方廣十丈今止丈餘下流爲山湖橋東北流合元豐橋水至縣東五里入錦江

瀑布泉在上高縣南四十里蒙山泉分二脈一注爲橫峯塘一注爲蕉塘又分四口溉山前田餘流入臨江府新喻縣之清湖

潤溪泉在上高縣西南五十里平地湧出方半畝餘四時俱湛然清澈下流成溪可通小舟灌田百餘頃

六口泉在上高縣西北十五里平地湧出泉有六口又神腦泉在縣西湖坑自鴉磯石流出內有龍潭水冷如冰與普潤泉通

巖洞泉

一作蒙巖洞泉

在上高縣南三十五里溉田甚廣接新

喻縣界

七星泉在新昌縣城內宋令劉明老鑿七井以應七星又縣西十里淨慧院內有五色泉土人謂之乳泉酌之五色光瑩

竹山泉在新昌縣西十五里柴源之竹山渦口氣充味厚絕無塵滓清晨汲飲可已腹痛

虎跑泉在新昌縣西黃檗寺內相傳有虎跑地出泉汲引不竭

丹井有五一在府廨後圃仙人李八百煉丹之所一在高安縣東北真元觀許黃二仙煉丹之所一在城西七十里晉丁義君女秀英煉丹之所一在城南二十里許丁王二仙煉丹之所一在上高縣南二十五里晉許遜投丹之所謹案舊志丹井五一在府城東南四十里一縣無許遜遺迹惟真元觀有許黃煉丹之所又云城南二十里許有荷山丹井謝志誤爲七十里且以許爲姓誤二爲三今改正

狀元泉井在高安縣學戟門左卽舊貢院井上有亭歐陽世善扁曰天一重清今廢

花鴈井在高安縣北五十里明正德七年華林賊執通判姜榮妾寶氏至此投井死後人作亭其上

白龍井在高安縣東十五里祥符觀昔有白龍出此故

名

東陽井在新昌縣浴德池之左久塞

國朝康熙四年知縣黃運啟開濬

乳泉井在新昌縣西十里寶蓋寺側其水瑩白如乳

並據府縣志

江西通志卷五十八

山川略二

川三 袁州府

袁江在府城北門外卽古牽水亦稱南水又稱淪水源
出萍鄉縣羅霄山流經宜春縣西十五里爲稠江至此
澄清深碧故又名秀江合清潞江及仰山九曲鸞溪諸
水經昌山峽過分宜縣城南爲縣前江合赤工楊江野
江介溪諸水出鐘山峽流入新喻縣界唐戴叔倫夜發
袁江寄李穎川
劉侍郎詩半夜回舟入楚鄉月明山水共蒼蒼孤猿更
叫秋風裏不是愁人亦斷腸國朝施閏章發袁江詩
秀江空翠看欲無盤渦激瀨寒侵膚乘流縱棹迅飛鳬
羣山卻走如亡逋岸旁水碓喧轆轤釣臺巨石青珊瑚
河伯江妃白晝趨臥聞離響忽已逾楓如勁箭離離孤
萬籟奔騰鳥獸呼枕藉清光離簿書藤花飄落上頽鬚
逸興今朝不可孤
舉杯滿酌酬江湖

清瀝江在宜春縣西南六十里源出縣老山北流經過
鞏溪至了山分二派一爲縣西南之官陂水一爲古江
官陂水又分二派一爲縣西南五里之司谿江亦名沙
陂江一爲縣西五里之新江會爲麟橋江入袁江古江
舊傍山流今湮爲田

嚴塘江在分宜縣南三十里源出檀溪及李家礮出水
口經新喻縣界入袁江又渭江在縣東三里流出七里
坑入袁江

硯

一作峴

江在分宜縣南五十里亦名雙溪水源出雙源

邨會於雷同嶺下厯章谿至石巖下爲峴江築陂灌田
數千畝又至泉江山下合汊江經安福廬陵二縣至吉
水縣爲同江入贛江

赤江在分宜縣北文標鄉源出珠塘之泉下流三十里由江斜潭出昌山峽入袁江

楊江在分宜縣西北四十里源出文標鄉東南流入袁江

新江在萍鄉縣東三十里唐咸通中刺史顏遐福奏開以通湖南纔鑿十餘里而輟今俗稱其地爲新江相傳開江時誤殺白龜功遂不就

龍江在萬載縣北五里卽古蜀水亦作濁水源出縣西劔池東流合金鐘湖又東繞木關嶺出高城市過龍山爲龍沙又東入瑞州府上高縣界

謹案舊志龍江後列錦江乃康樂水之誤

也今刪

東湖在府城東三十步宋至和二年州守祖無擇於湖

上建亭榭為游觀之所淳熙間張杓知州事兄栻過此

書扁後廢為圓庵嘉定閒州守滕強恕開濬歲久湮廢

又城西十里有石湖宋祖無擇和題東湖詩晴煙暮靄

絲楊柳弱倚風千蓋菱荷香縱游閒泛蘭舟穩半醉狂

眠石席涼公退每來須度日卻疑身出利名鄉趙汝

鏊東湖歌湖光蕩綠春拍塞百雉之東纔咫尺五步一

亭十步榭軒窗處處臨水關露濃晝淑花溜紅煙嫩隄

平草連碧俯窺萍鱗魚上下仰聽木杪禽格磔拂拭塵

埃讀祖碑摩挲峯竅憐盧石中年懷抱多感慨東西跳

九駒過隙山林鐘鼎同一盡可笑世網甘形役甕邊吏

部真得計右酒左蟹船中拍明朝風雨那可料且對湖

山醉今夕沙鷗許我再尋盟從此時攜杖頭百

落星湖在分宜縣西五里廣五十餘畝其深莫測旁有

龍祠歲旱應禱相傳唐耕者向氏母居此一夕見巨星

流於屋遂成湖縣北二里有西一作石岡湖廣六十丈灌

田數百畝

金鐘湖在萬載縣西一百二十五里水分二派一東流至官莊過竹渡入龍江一流入湖南瀏陽縣界

九曲水在宜春縣南五里源出鄧尖峯縈回九折出赤橋入袁江

仰山水在宜春縣南六十里源出三鑊潭過仰山東流出浦邨入袁江

夢水在宜春縣東八十里太平寰宇記昔鍾儀於此邨欲立縣夜乞夢果符所祝名曰思縣因以名水

介谿水在分宜縣北十五里源出界塘渟洄清澈中有巨石平坦可坐其水冬夏不竭溉田千餘畝東南流十餘里至眈江入袁江

竹橋水在分宜縣東北二十里源出臺山至聖陂普光

江西北通記卷三十一 川三
三
橋出小江口入袁江

汭江水在分宜縣南五十里源二左自仰嶺右自黃真人臺下旋繞至大清里泉江山下會硯江

萍川水在萍鄉縣南三十餘步亦名縣前江源出楊岐山東流折西四十里經縣又九十里入湖南醴陵縣界泉江水在萍鄉縣東二十里江心有泉湧出故名水中生絲花菜可食

羅霄水在萍鄉縣東南四十五里源出羅霄洞下分兩派東流者合縣東蘆溪水至宜春爲袁江源西流者出縣境合湘東江入醴陵縣界

康樂水在萬載縣東北三十里一名謝江水源出謝山太平寰宇記宋謝康樂嘗游此故名東流至縣東二十

里邱江合龍江

野豬河水在萬載縣西三十里源出金鐘湖北流過魚鱗灘會竹渡水入龍江奔騰峻急舟行甚險

劔池水在萬載縣西九十里靈棲巖下池廣丈餘別有曾家源水流合東入金鐘湖相傳晉許遜捕蛟洪州蛟潛逃池中遜捕斬之

石洞水在萬載縣西南二十里源出竹山洞北流過楊
河山合白沙水下南浦橋至縣學前過雙虹橋入龍江
避賢溪在宜春縣南三十里仰山正祠前

鸞溪在宜春縣西北六十里下流入袁江俗傳吳綵鸞與文簫游此

鵝溪在萬載縣東一百六十步源出鵝鼻峯西流會學

前江

雷潭在宜春縣東北五里秀水至此成潭舊傳龍潛於

內上有峭壁如罅龍鱗印苔成痕潭邊有釣魚臺竹木

陰翳宋陸經雷潭詩山郭五里餘氣象忽異色蛟龍嘗此蟠潭水至今黑變化驗莫窮白晝起霹靂山形

抱江來怪石若傾側有寺出其間戶牖立丹壁微雲垂鑑中彩色畫不得小閣纔數弓吐納半江碧日光涵游

魚到底如不隔老竹風蕭蕭長根擎青石送聲寄哀絃往往動魂魄載酒同遨遊逢奇得搜索形體相與忘山

林信吾適乃知人世閒捨此固怵迫

石牛潭在宜春縣西五十里江流中有石牛又西二十

里爲飛劍潭相傳唐有王將軍者坐石上墜劍入潭今

石上劍痕猶存

獺逕潭在宜春縣南仰山之上泓渟澄深神龍所宅仰

山又有雪谷潭水極冷盛夏不可濯

黃土潭在分宜縣西南二里昌山峽水下流匯而成潭其側有西關洲又縣南三里有楊柳潭縣東鐘山峽有轉鐘潭相傳黃巢黨以鐘烹牛其鐘靈轉入水

韓滸潭在萍鄉縣北十里深可二丈旁有韓滸廟縣北七十里有一敷潭盤旋若渦有龍居之旁建龍王廟

簫仙潭在萍鄉縣西八十里匯五溪之水岸有巨石相傳簫史休息於此縣東百二十里有青龍潭旱禱輒應龍潭在萬載縣東北龍江中相傳有穴與獅子巖通舊有龍江亭今廢

鍋泉潭在萬載縣西南九十里有三巨石枕江滸石中有泉天將雨雲氣自中起如炊煙俗名石鍋

魚鱗灘在萬載縣西六十里龍江中江水迅急亂石橫

列如鱗故名

盧洲在宜春縣東二里以盧肇得名向多喬木爲居民所據明萬曆六年知府鄭惇典清復之仍種樹其上萬曆末知府黃鳴喬建高閣其上以祀肇

沙米洲在分宜縣治東鐘山峽中春夏湍急白沙擁起兩岸如米邑人以占豐歉南岸饒則南岸豐北岸亦然金盞洲在萍鄉縣西萍實橋下其長百餘步狀如沂水魚楊岐水至此匯爲潭流入萍川洲砥其中舊名金魚以其盤踞長廣改今名

龍洲在萬載縣東北二里許卽龍河渡約廣數百畝石洞金鐘湖二水西來環抱合流而東注

疏泉池

一作鳴玉池

在府城內西隅唐刺史張某鑿後改今

名以疏西陂水至此也又城內有澄源池宋乾德二年
州守呂延貞鑿取爲政當澄其源意又城西北有防虞
池因防火而名元季填塞今作軍營城東南有礮沙池
一作河池內有石如礮

西池在府城西唐乾元中刺史鄭審所開池上有故城
潭木瓜島薔薇洲楊柳隄青田壇石橋灣釣磯今廢
洗硯池在宜春縣學內相傳池中產綠毛龜

鳳皇池在萍鄉縣城南百餘步宋宣和間縣令鄭強因
民多瞽相縣後地形如飛鳳展翼因鑿二池以象二目
而民遂無盲疾元至大二年有瑞蓮生池中久淤塞地
爲居民所侵明萬厯初強裔孫鄭惇典知府事清復之
立鳳皇池碑七年知縣常自新令民種蓮於池四周護

以木欄

國朝順治間知縣刁之裔余士聰相繼疏濬

梳洗池在萍鄉縣東蘆溪鎮南玉女臺右

綠陰池在萬載縣南百步池廣四畝樹木陰翳

宜春泉在宜春縣西四里唐地志云宜春泉醞酒入貢
蓋指此一名靈泉舊傳泉日兩湧與海潮通後人滌漑
其中遂止有比目魚今不常見

珠泉在府城南門外舊名湧坑泉方廣丈餘平地湧出
漑田甚廣明萬厯間推官徐之孟築樓臺於上

孚惠聖泉在府城宜春臺仰山行祠下冬夏不竭病者
飲之良愈宋政和間張沆爲銘今填塞

溫泉在宜春縣西南三十里定光院前氣溫如湯冬可

浴以雞卵投之卽熟水中有魚泉凡三出一在東岸上僧入甃爲池一湧出江心巨石中石類釜上寬五六尺許平坦可坐游者多於此宴飲一在西岸下

甘泉在宜春縣北十五里山竇中流出味甚甘冽唐咸通二年僧道光築室爲甘泉院宋嘉祐中州人李觀因僧智汪建二堂爲之記又北十五里有瀉泉灌田萬餘畝

卓篙泉在分宜縣南鈴岡相傳仰山二神維舟卓篙於半峯遂有泉涌出舊建亭其上

源澗泉在分宜縣南泉源嶺下溉田百餘畝

聰明泉在萍鄉縣西一百步其泉甘香宋葉景武讀書於此後登第故名縣西五里

一作三里

有橫龍泉在橫龍寺

自佛座後流至階下匯爲池清冽可愛

煖泉在萍鄉縣蘇家邨冬溫如湯又有冷泉在宣教里
夏冷如冰飲之能已熱疾又清江里有寒泉盛夏極清
冷

楓泉在萍鄉縣東二里許夏不涸冬不凝昔人嘗汲注
銅壺以定更漏旁有楓樹故名

雨湧泉在萍鄉縣北楊岐山相傳通海天欲雨水先湧
溥泉在萬載縣東一百五十步儒學前其泉臨江味極
甘美縣西二百五十步有卓劒泉在廣報觀右世傳謝
仙以劒刺地泉湧出舊有亭今廢

涂泉在萬載縣東十里名泉陂約廣十畝澄澈泓渟有
龍居之每旱官民禱焉

義井在府廨東集慶坊唐刺史李將順開鑿後湮塞宋
淳熙閒州守張杓修復之明宏治庚申知府朱華濬

雙清井在府廨東北甘棠坊府儒學左舊爲龜鼻井闊
丈餘內有兩小石孔揚清井在府廨北達里坊舊爲左
龜眉井橫二尺長六尺澄清井在縣廨前文會坊舊爲
右龜眉井橫直與左井同東明井在府廨東北達里坊
舊爲左龜目井闊丈餘西明井在縣廨前文會坊之西
舊爲右龜目井相傳府地形如龜唐袁天罡於城內鑿
龜鼻眉目五井以全龜象歲久淤塞

國朝康熙戊申知府李芳春濬

秋家巷井在府廨北百餘步清水池西委巷中井水特
重漏壺用之又司理院井其水亦重

羅霄井在萍鄉縣東羅霄山下即葛仙浴丹池

聖井在萬載縣東北安仁坊相傳宋乾道閒普庵禪師嘗游息於此值多疫師取井水飲之疫遂痊

眞君井在萬載縣城西廂外二百步相傳謝仙經此就嫗求水嫗辭水遠難致謝指其地曰鑿此可得水後果

驗以上並據府縣志

川四 臨江府

清江在清江南五里袁贛二水舊自西南合繞郡城而北波流澄澈故名明成化末贛水北衝蛇溪不復西折

止有橫河一綫與袁江相吐納直至城北二十里外二

水始復合宋姚勉清江曲夾岸桃花燕子飛一江春雨鰕魚肥絲綸百尺煙波闊深夜鳴榔載月歸

扁舟一葉橫沙嘴得魚爛醉春風裏綠楊深處酒醒時江湖半落天如水萬頃滄江五月涼一川錦繡藕花香

綠蓑青笠鳴疏雨老樹殘煙帶夕陽野船煙火夜明滅
一笛風清楚天闊無魚無酒且歸來蓬裏蕭疏臥明月
江南江北老天涯萬里西風雙鬢華蕭蕭兩岸梧桐葉
漠漠平川蘆荻花柔櫓聲中山水綠一萍買斷黃金屋
沙邊鷗鳥莫相猜是非不到清江曲荷葦折枯人未歸
波寒霜落雁初飛人間節物時時換又折梅花下釣磯
青山四面清歌發幾點沙鷗起天末
一任長年醉則休醒時獨釣寒江雪

太平江在清江縣西三十五里源出蒙山之陽經華陽
江口流五十里會袁江入贛江

款江在新喻縣北八十里源亦出蒙山陽有八十四源
合流經清江縣入渝水

長宣江在新喻縣東四十里源出璜緱嶺南流三十里
入渝水又小江在縣東二十里灼江在縣南三十里俱
北流入渝水

峽江在峽江縣南門外卽贛江自吉安府吉水縣界流

入兩崖峭拔江水束於中而不得逞故名東北流至長排經新淦縣西又北流經清江縣北納袁水又北入南昌府豐城縣界

桂湖在新淦縣南門外爲儒學外泮又名倉池明萬厯戊申知縣朱邦禎以水勢徑洩惠政橋於學宮無關鎖率民開濬繞迎春門循秀峯學泮而出名玉帶水

蓮湖在新淦縣西北四十五里

蕭水在清江縣西五里一名小陽水源出棲梧山一自段塘一自烏塘至香田合流西北流至潦澣湖口入贛江

淦水在清江縣南三十里源出縣東離嶺經紫淦山至樟樹鎮會蛇溪水入贛江

曲水在清江縣北源出蒙山自高安縣界西北流又折而東北故名曲水有曲水橋跨其上舊建曲水公館

湄湘水在新淦縣南一里源出縣東三十里高嶺經惠政橋入贛江

泥江水在新淦縣南十里一名沂江又名泥溪源出撫州樂安縣界西北流經縣境入贛江

金灘水在新淦縣西三十里源出百丈峯北流經新喻縣界至牛尾洲入袁江

金水在新淦縣北二十里一名石口溪水源出小廬山經廬陂西流出石口入贛江

藍陂水在新淦縣西八里一名藍陂溪又名藍步溪源出百丈峯下蘆溪至黃荊渡入贛江

元何中藍步溪詩陰靄通煙翠作霏

春風入雨煖成泥女郎挑菜
不知溼調笑相攜過水西

逆溪水在新淦縣西十里源出源頭經南坑湖田橋入
贛江

渝水在新喻縣南門外一名渝川卽袁江自袁州府分
宜縣界流入經城南瑩澈如練又名秀水水入縣境凡
九十九灣八十八灘抵清江縣入贛江

睦宦水在新喻縣南三里源出鼎山北流三十里入渝
水

同水在新喻縣南八十里自袁州府分宜縣之同邨闊
嶺東流入縣界又南流經黃源一百八十里入吉安府
安福縣界達贛水

距河水在新喻縣東北源出分宜縣之洞邨一自涂塘

一自龍塘至距邨合南流三十里經通濟橋入渝水

板陂水在新喻縣西四十里源出分宜界流入縣境又三十里入渝水寰宇記所謂五浪者卽江口之合流處也又畫江在縣西南源出縣西黃輔邨流入渝水

亭頭水在峽江縣西三里源出七里洞環城北經新田大安橋入贛江

洞下水在峽江縣南自吉安府吉水縣界流入經石洞會黃金水

甘流水在峽江縣東一百里自撫州府樂安縣流入會玉笥太平諸水至新淦縣沂江口達淦江

漚水在峽江縣北二十里亦名烏口水或稱漚水自新喻縣界頭東流經五眼橋六十里入清江

豐水在峽江縣南三十里西北流會黃金水

黃金水在峽江縣南三十里亦稱黃金江源出吉安府廬陵縣入縣界東流過金名橋九十里入贛江相傳昔有人窮水源見沙中有金采以歸後往尋之不復見又傳有漁人網魚得一金鍊忽見金牛湧出挾鍊而去以斧截得數尺皆精金也故名

踏石水在峽江縣西南三十五里自吉安府吉水縣界巷里流經員嶺會黃金水有大石互水中石上足跡深寸許俗傳爲張果仙蹤

蛇溪在清江縣東十里自永泰下五里分江水爲溪三十里復與江流合俗名銅鑼江昔時春夏水泛瀰漫數十里民不可田宋淳熙初築隄捍之患始息明成化末

贛水暴至徑北衝蛇溪遂成大江田土沒入於水幾千百畝嘉靖閒參政陳大賓知府徐灝先後議塞不果沈香溪在清江縣東三十里卽閣阜山水也山之左界水流合淦水山右界水經樟樹鎮南八里許折而東紆迴至豐城界小港口入贛江

秀溪在新淦縣東北二十里入贛江

蓮花潭在新淦縣南三十里潭畔有巨石狀如蓮花

龍潭有二一在新淦縣吳山嶺一在新淦縣龍塘岡下讀書潭在新淦縣西南十五里相傳唐盧肇讀書鐘山嘗扁舟溯洄寓居潭上

驄馬潭在新淦縣東三十里潭上山勢馳驟如馬水深魚聚漁者利之

蕭灘在府城西蕭水中亦名蕭洲灘梁武帝南幸曾駐
此又呼判官灘宋王益判臨江軍官吏懷欺求判益輒
閣筆不行以比涉蕭灘者用腐舟則必敗也唐韓偓詩旅寓在江
郊秋風正寂寥紫泥虛寵獎白髮已漁樵事往淒涼在
時危志氣銷若爲將朽質猶撥杖於朝
蕭灘詩驛小臨官道沙長帶水城山於雲處沒星過渡
邊明瑱瑱非初志營營慨此生北堂凝望遠秋日萬重
情

苦竹灘在峽江縣北卽廣州刺史蕭勃遣將歐陽頔屯
兵處今名甌篴灘

百花洲在府城內縣廨前宋向子諲薌林故地向子諲

老桂盛開蝶戀花詞巖桂秋風南隸路牆外行人十里
香隨步此是薌林游戲處誰知不向根塵住
花非浪語憶昨明光早荷君王顧生
伯青蠅輕點汚思鱸何似思花去

金鳳洲在府城文明門對岸橫互一里許形如鳳宋黎

立武建金鳳書院今廢

國朝守道施閏章作來鳳亭於其上

萬碩洲在清江縣南十里贛江環其東袁江經其西上有柑園最盛其地與新淦各隸其半相望者爲游家洲袁江自西折北而洲在其右掖故又名雙洲稍北爲中洲長二十里廣半之

余家洲在清江縣南樟樹鎮上流綿亘十里許蛇溪繞其內土可樹藝一名祝家洲

木瓜洲在清江縣東北三十里又花豔洲在樟樹鎮前其下五里爲涼繖洲

大洋洲在新淦縣北四十里有蕭公祠

紫洲在新淦縣南文昌閣下與東瀛洲相連大水不沒

明萬厯閒參政施天德建塔於上珠洲在縣西二十里
畫江中

萬壽洲在峽江縣玉峽驛前其上有古成子廟圯於水
鐘沈水底爲行舟患舊名成子洲後改今名

玉澗在峽江縣東北十里一名玉溪源出玉笥山迴互
紆曲號三十六澗流經縣東北十五里爲玉澗橋俗傳

漢武帝時有玉梁墜澗至獻帝時化龍去

宋朱子讀李
賓老玉澗詩

偶成獨抱瑤琴過玉溪琅然清夜月明
時祇今已是無心久卻怕山前荷蕢知

鳳池在新喻縣鳳皇門外深廣不數尺四時不竭水清
甘相傳昔鳳皇游此故名

洗墨池有二一在新淦縣東里許相傳陶侃讀書處一
在峽江縣玉笥山相傳杜晏永學道於此嘗鑿池洗硯

故名

醴泉在新喻縣西三十里宋黃庭堅嘗過飲之而甘曰
惜張又新陸鴻漸輩不及知也因題其旁石柱曰醴乳
以泉釀酒醇美殊常

醴溪泉在新喻縣北蒙山之陽石門下泉出石竇如井

者三四處味甘釀酒異於他水以爲糜食之若飴

明梁寅記

醴溪在蒙山之陽十五里其南北皆連山水貫流其中
北山之西曰堵山其次曰菰峯又次曰紫雲峯其下爲
靈峯寺正北有三峯森立尤奇秀其東曰神峯吳將軍
之祠在焉又東有岡迴抱曰鍊岡其南山之西曰石門
兩峯對峙巨石如虎蹲其次曰大金峯大金峯而下綿
互若屏然至其盡處與鍊岡對中有圓阜突出水上兩
山銜之若龍之爭珠者居人名之曰珠堆當石門之下
爲松池泉出其間竇如井者三四其味最甘釀之以爲
酒醇醲異於常以爲糜雖白粲而上凝赤色食之若飴
蓋泉之尤美者也其下流爲溪演迤東注溉田可五六
十頃居溪之陽凡百餘家而吳姓者十之八九世耕且
學多淳質故不徙其業不輕去其鄉子家在菰峯之陽

松溪之上曾大父縣分宜之湖澤臺而徙於是里之名舊曰裏收長老相傳云里之田極膏腴歲常豐收故古以是爲名而其爲士者或名之曰裏溪子以溪之泉甘如醴故又更名醴溪云嘗觀夫民戴仁而履義負陰而抱陽其生一也而其水土之異則質性亦殊是以君子慎其習焉吾里之俗淳厚且多秀異之士固地氣然也使居是里者父飭其子長率其幼去華侈之尙守勤儉之規革狠悖之性崇禮遜之美以是溪爲仁里而人皆有士行顧不係於習哉吾將見後來之才俊益多而地靈之所鍾未艾也故記其山水之概以示里之子弟使知有所本且有所勵是亦善風俗之意哉又歸醴溪詩久厭都市喧俛思山巖靜歸飲醴溪泉恰我高樸性神峯雜樹菊石門翠厓並蘿懸晨露滋嶺秀夕霞映攀陟諸樵收侯謁悔奔競褰裙蔭雲松脫履悅風履悠然避客心疊出野人詠方期谷口耕毋諠終南徑

環溪泉在新喻縣北崇教鄉歲旱則泉湧而流廣又漢泉在縣西北長樂鄉山隅巨石屹立中虛如屋號石屋其下水源與漢泉通雖大旱流溉不竭
落星井在府城北門外

虎跑井在清江縣東相傳南唐魯季文廬母墓每患汲江水遠忽有虎於廬側跑地得泉人以爲孝感

劉仙井在新淦縣南十里峯岡山相傳仙人劉守真煉丹井其泉清甘病者飲之可愈

丹井在新淦縣凡四一在仙馭觀一在延真觀皆許旌陽煉丹處一在善應觀爲羅陳二仙遺迹一在百丈峯爲葛仙遺迹

九星井在新淦縣治內相傳鑿井時泉涌出有浮漚若

九星隱映其中

以上並據府縣志

川五

吉安府

贛江在府城南自贛州府贛縣界流入萬安縣界歷九

灘曰崑崙曉武索昂邦

一作匡坊

小蓼大蓼綿津漂神惶恐

水性湍險惟惶恐灘尤甚本名黃公後訛為惶恐由惶

恐灘繞縣城西合遂水東北流六十里經泰和縣東其

水澄澈曰澄江亦名秦和江又東北流經廬陵縣界達城東

過螺山亦曰螺川又四十里抵吉水縣西南與恩江合

曲折於灘洲閒狀若吉字曰吉陽灘又曰吉文水一曰

字水亦曰文江又東北入峽江縣界宋蘇軾八月七日

詩七千里外二毛人十八灘頭一葉身山憶喜歡勞遠

夢地名惶恐泣孤臣長風送客添帆腹積雨浮舟減石

鱗便合與官充水手此生何止略知津王阮詩并序

嶺石三百里中有大小黃公灘與萬安縣對無其險惡

坡公誤聽以為惶恐遂對喜歡慶元二年十一月十四

夜余宿灘下夢人絳衣素冠辨論嗷嗷略記其旨似謂

不願人畏余應曰灘指石爾水何與焉其人有喜色意

者黃公耶水訴安流舟不難人心自畏石頭頑黃公

誤聽作惶恐玉局先生蓋謂灘人楊萬里二月一日曉

渡太和江詩綠楊接葉杏交花嫩水新生尚露沙過了

春江偶回首隔江一岸好人家元劉詵文江同諸公

晚步詩意登何須高一覽萬象足大江繞孤縣草木入

匯渡東山走虬龍出沒獻所伏晚晴天氣正新月映江
淥徘徊數過舟上下有蓮速是時清霜初木落紈紈熟
平田見溝塍荒野縱牛牧天時既已豐世運或可復陋
邦亦何爲巨鎮今所獨遙聞鄧都應郡邑所側目西鄉
賊官途亦或理逃屋苟安倘可期未敢責深欲

雲亭江在泰和縣南一名縉水源出興國縣界西北流
至珠林入贛江

僊槎江在泰和縣東源出興國縣界小密嶺西北流其
間有大蓬江水仁善江水注之入贛江

盧江

一作盧江

在吉水縣南源出永豐縣界合上盧中盧之

水西流爲盧原又西北流爲盧陂灌田數萬頃又北合
義昌水至吉水張家渡入贛江

恩江在永豐縣治東南舊名瀕水亦名永豐水源出甯
都州及興國樂安二縣界合麻江龍門江諸水下流入

贛江縣舊爲報恩鎮故水又曰報恩江

王江在安福縣東南一名洋口源出陳會二山東流至縣東南六十里王江口與瀘水合共匯爲龍陂

阜口江在萬安縣南六十里一名造口江源出贛縣三

龍山北流經縣西南六十里之上下造又經社坪出阜

口入贛江宋楊萬里過阜口詩贛石三百里春流十八灘路從青壁絕船到半江寒不是春光好誰

供客子看猶須一尊清并遺百憂寬辛棄疾過造口菩薩蠻詞鬱孤臺下清江水中開多少行人淚西北是

長安可憐無數山青山遮不住畢竟東流去江晚正愁予山深閬鵲

梁口江在萬安縣南一百里一作八源二一自霧圍一

自龍頭合於游田溪入贛江

韶江在萬安縣西北三十里源出韶山東流會黃鵠水

入贛江

射洲江在萬安縣西北六十里源出龍泉縣界經泰和縣合牛吼水入贛江

城江在萬安縣北六十里源出蕉源山流經南州觀合盧源溪至兩江口入贛江

永新江在永新縣南門外一名禾江亦曰禾川又稱禾水卽蓮花廳文匯江自廳界流入經長陂短陂黃花諸灘東流四十里至雙江口會勝業水又東至洋埠會黃陂袍陂諸水繞縣至溶江會交川水入廬陵縣界會盧水

文匯江在蓮花廳南門外源出萍鄉縣界及湖南攸縣界合上西鰲西二鄉諸溪水匯於龍陂繞廳而西至毓秀閣納琴水又西合白馬江又西南納雲龍溪至鰲山

江右通志卷之六十五
口入永新縣界

溶江在永新縣東二十里合禾水琴停勝業菱川諸水
經府城入贛江

螺湖在廬陵縣東北源出城西五里岡冷水坑流經雲
騰嶺下與沸泉合北折而東注爲螺湖通贛江

郎湖在廬陵縣西八十里

明劉崧詩山中春鳥夜相呼
岸上誰家酒可沽風露滿船

眠不得長歌
乘月過郎湖

鑑湖在吉水縣東二里其水自縣西東流縈迴如帶澄
瑩可鑑

東湖在安福縣南三峯下相傳舊有道院每鷄鳴鐘鼓
自鳴後陷爲湖又書岡山之西有鴨翼湖

蜜湖在安福縣東十五里產絲蓴鯽魚魚甘如蜜故名

有石窟可容百人

橫石水在廬陵縣西北接吉水界源二一出儒行鄉一出吉水中鵠鄉合清湖三江橋水入贛江

牛吼水在泰和縣西南亦曰禾溪水源出永新縣南拔鐵山東流至縣界蜀口洲合蜀水又東至牛吼石入贛江

同江水在吉水縣西北六十里源出袁州分宜縣界受楓子江柿陂何湖石水同入贛江

明德鄉水在永豐縣南源出興國縣西北流入縣界爲義昌水下與廬江合

白水在永豐縣東北十五里一作西三十里自帶源流出歷九峯有瀑布十餘丈下匯爲潭中有石龜浮出卽雨流至

江右通志卷三十一 川五
羅富橋入恩江

廬水在安福縣北門外一名廬水又名瀘江源出廬蕭山東流合洋澤水繞縣北又東折南與王江合又東入廬陵縣界會永新江水抵神岡山下入贛江

閩水在安福縣東三十里源出閩嶺東流合毛停水入王江

遂水在龍泉縣南門外一稱龍泉江源有左右二溪左溪一出湖南桂陽州之堀渡一出上猶縣之大林至左安而合厯石鬱瀧抵縣西南李派渡右溪水合右溪源出石含山厯朱砂瀧官坑至李派渡與左溪合形如遂字故名繞城東下厯八十四灘入贛江

蜀水在龍泉縣北一百二十里亦名禾蜀水源有二左

源清湛右源稍渾流至金田始合東經泰和縣瓦窰入贛江

蜜溪水在萬安縣東南源出鷺公嶂下匯爲潭清冽甘美舊貢於朝明楊士奇奏罷之東南流入贛江

秀水在永新縣自西南流入分兩支繞縣舊學轉北入江形若秀字宋縣令侯彭老濬之後湮塞縣令柴必勝又濬之每濬科第輒倍他時今塞爲街市歲久迄不可復

勝業水在永甯縣城南源出縣東鷺嶺山西流會拐湖水又西會漿山水歷永新縣會芟田水入永新江

富川在廬陵縣南淳化鄉源出興國縣流經縣東南文山下

義川在蓮花廳上西鶡西二鄉閒水性奔騰善潰決歲
齧民田無算明天順閒鄉民劉繪自南溪至谷西陂捐
資鑿石數十里水患以平兼利行舟守令交旌之故名
爲義川云

習溪在廬陵古東山下源出吉塘流入贛江

文溪在泰和縣三里一名西溪又名破溪又縣西二十
里有武溪源出武山俱至牛吼石入贛江

潯溪在泰和縣西一百二十里東流入早禾江

梅溪在吉水縣東北三十里溪旁多梅樹故名

葛溪在永豐縣西北源出陽山山有葛仙丹泉故名

智溪在安福縣北源出宜春縣界桑田東麓合荷溪水
入盧水

龍溪在萬安縣東源出龍頭山人贛江縣西南有綿津溪其源一出雙坑一出長仙水性柔故名合流五里入贛江

黃土潭在廬陵縣西王山下宋文儀嘗夢潭中龍降其居遂產天祥雲霧暝室潭日淺塞既死柴市土人復夢有乘輿擁入潭中者旦大雷電風雨潭漲如舊

分獅潭在廬陵縣西百餘里游獅嶺下二山如獅隔潭立故名

花石潭在泰和縣東北三十里日色映石燦爛如花

元潭在吉水縣西北五十里上有江陽書院

明羅洪先詩青山隱

約霧中看黃葉蕭疏夕照殘喚得魚舟來借渡隔江人影在闌干

赤石潭在吉水縣西北元潭下

明周敘賦并序正統九年甲子之秋七月既望

余以使命便道還京宗親故友餞送於赤石潭宦游萍
梗出處難謀慨然有懷遂作斯賦治文江之橫浦至
赤口之澄潭水萬頃以凝碧山四合而染藍信乎其乾
坤所融峙而仁智所樂耽也觀其崖崩磊砢岸谷谿
爛如原火煜若朝霞入元淵而莫極匯滄波其無涯當
夫春江方漲駭浪驚濤洶湧激撞銀山鐵壁不足以侔
其壯泊其秋潦已涇天容月色空曠虛明練舒鏡展不
足以擬其清則斯潭之所以得名爲可徵矣若乃眺乎
其北則三四屏列諸峯陳屯大宛旋凱而龍馬交驟昆
陽戰敗而虎兕羣奔望乎其西則近接廬湖遙連錦峯
白沙翠竹之掩映煙邨雲樹之鬱蔥慨鄉衮勝游之舊
臺念先親遺直之英風至夫金朱構兵炎鼎遷播而鳳
龍舟亦嘗至於此乎南則虹橋綠野佛剎仙臺藹林泉
之幽翳聳聳劍石之崔嵬騷人墨客固多留憩眞仙杳冥
甯復有浮空而往來者乎蓋其爲地也豁故能合數百
里之大觀其爲景也奇得不起千萬年之遐想此古今
過從者之同賞也而余猶獨有所悵惘昔余之少而處
也從宗族父兄省邱隴於茲潭之山陰奠春露之藻蘋
撫秋風之宰樹始德澤綿而嗣守固也願瞻潭濱之他
隴樵兒牧豎躑躅於孟嘗之墓豈非富貴而改其素者
乎逮余之長而仕也幾舟楫往返於斯潭之水計把離
觴之汲汲趨王事之皇皇中抱丹而鬢毛蒼矣反羨其
旁居人釣叟熙皞歸於無懷之鄉又何身世之忘豈非貧

賤而任其常者乎鳥兔跳丸彭殤一軌歎榮瘁之浮沉
悲老壯之逝水擊流光而歌之曰潭之波兮悠悠去故
鄉兮那可留潭之石兮我我惟令名兮不可磨俯
水際兮焉夷仰天畔兮嫦娥倡莫余和兮奈爾何

雙絲潭在吉水縣東三仙壇後相傳有繫石測之者絲
千尺乃止中有龍禱雨卽應又縣西四十里石牛潭相
傳江水暴漲有石牛浮其上

墨潭在吉水縣南十里水深黑故名

三姑潭在永豐縣南甯嶺北廣七丈源出高霄嶺暗潭
石鼓潭在永豐縣南一百六十里相傳內有石鼓擊之
則可致雨

紗帽潭在安福縣西武功山中水從迎仙橋橫流一石
規懸注潭中潭口如紗帽也雲氣昏黑相傳有龍出沒
百花潭在安福縣西一百二十里盧蕭武功二山之閒

峯巒秀拔雲嘗覆之花木滋盛歲旱可禱雨

虎潭在龍泉縣西一里一作都右溪中潭上山阜屹立如

虎其水深黑多產巨魚

神潭在萬安縣南五里惶恐灘上水清深觀魚輒見兩

岸舊種茶味香美百丈阜蛤潭在縣東三十里有風雨

雲雷四潭

忠義潭在永新縣城南抱一作袍陂渡宋末元兵破城邑

劉顏張段吳龍左譚八姓勤王弗克相率其姓三千餘

人赴潭水死故名國朝陳智言忠義潭詩八姓勤王事不成袍溪灘灘葬晉綴至今流出

潭中水還與文江一樣清

石角潭在永新縣東十里明劉定之故居潭有石形如

硃墨硯池

金馬潭在永甯縣金溪鄉俗傳仙人乘金馬過此

牛吼灘在泰和縣西蜀江口其石最險水激如羣牛之

吼

漁梁灘在吉水縣東二十里

國朝彭孫遜詩映色起何處忽然雲水碧春燒如

新月遠挂山一痕寒禽呼木杪暗蟲沸草根遙見曉際
火知有林外邨孤舟欲棲泊石榴如雲奔羈旅一無託
苑結難自論矯首眺天末躑躅勞心魂

黨灘在吉水縣南二十里黃洲下水勢奔急舟人識其

險有小黨灘頭大黃洲尾之語

金灘在萬安縣北六十里一名灘頭中列三洲多沙磧

宋樂雷發宿金灘詩龍吏崖翁是賞音江流泯泯對秋
吟天蝦撲火帆檣晚水狗捎魚島嶼深千里庭闌雲滿
眼十年湖海雁驚心今宵客枕清如水稱讀西山夜氣錢

長鷁灘在永新縣西鷁山下與短鷁灘黃花灘相接舟

從石縫中盤旋而出最險絕

大灘在永新縣東馬頰山

一作廟

下江闊半里許石隙可

放舟者僅數尺已下為大小木黃灘魚矢灘畫角灘四

灘相連互三十餘里石勢險惡

石鬱龍在龍泉縣西八十里石險不可以舟

武陵龍在龍泉縣西二十里兩山夾峙怪石壁立

宋周必大

經武陵龍詩芙蓉池水接清溪晴日初乾雪後泥行過小橋驚野鴨翻翻飛上綠楊西

梅花源在廬陵縣西一百餘里幽僻深邃

明周是修詩山行五六里

峯勢忽亂巘前有梅花源人煙帶邱隴天寒雲木交盡晦風水湧近聞豺虎多深入能弗恐

白鷺洲在廬陵縣東贛江中長五六里宋江萬里建白

鷺書院其上

宋徐俯詩金陵與廬陵俱有白鷺洲相望

元何中詩淡淡薰風起江明天影開竹陰侵水碧草色近人來諸老心猶

在十年首獨回非無李供奉卻欠鳳皇臺 郭鈺白鷺

洲晚泊呈大隱兄山長兼柬曹居貞詩白鷺洲前春水
寬素王宮殿壓驚湍風飄陸氏鷺鷥冷雨暗疎堂翡翠
寒維翰未能穿鐵硯叔孫先已改儒冠
淒涼講席君仍在晚歲冰霜獨立難

琵琶洲在廬陵縣北眞君山下以形似故名

龍洲在泰和縣南一里陳武帝平侯景自南康進兵至
此有龍見水濱故名亦名白鷺洲又縣東二里有金魚
洲狀如游魚縣西五十里有神童洲宋慶元五年何戟
中童子科楊萬里以此名洲

太平洲在泰和縣北四十里永新早禾二水相匯處
是修詩一水分復合是有中流渚溯洄從其人道阻心
良苦其人美如玉遠世甘獨處秋風把釣歸繞屋松蘿
雨

青湖洲在吉水縣南贛江中舊有宿鷗亭

魚袋沙洲在龍泉縣舊儒學前外窪中窪形如金魚袋

五雲洲在萬安縣北贛江濱唐賈崇爲虔州刺史赴闕
檣舟於此見五色雲起故名

騰脂池在府廨後藥師寺前今失其處

金錢池在廬陵縣南二十里永和市相傳宋蘇軾黃庭
堅游清都觀戲擲金錢於池後池中開花如金錢

煉丹池在安福縣儒學前一名放生池相傳魏夫人煉
丹處至今無蛙聲

金牛泉在府城南門外金牛寺下味甘冽爲郡中第一
國朝康熙丙午守道施閏章構亭其上疑金牛泉卽水經
注金井之譌因作記且爲之銘

小三疊泉在廬陵縣東南青原山中

國朝黎元寬青原新開小三疊泉

詩撫琴動操眾山聞寺得清音白水君納谷海王還大讓窮源漢使可中分誰留太古三條練自幻前溪一片

雲染宛總同階級盡莫言是事落功勳徐緘青原山
新瀑布歌呈藥城大師詩大師昔臥匡廬雲匡廬瀑布
長隨君驚看浮杯渡絕壁楊枝迸灑天紛紛我謁祖關
不辭遠更覓懸流歷千轉離霓連蜺望去除毒龍行雨
歸未晚飛鳥背上驅五丁嵌空鑿穴穿枯藤陽坡倒懸
海底日陰崖未泮春前冰由來奇寶塵中沒少陵晚愛
金篦刮不知七祖蓋誰傳但見黃荆種猶活藥公采藥
無古今百川到海難爲深坐上詞人盡同向山中虎狼
皆善心前身金粟施湖西邀我同登萬仞梯白衣解餉
淵明酒山公不醉習家池桃花忽送漁郎出回首潺湲
微空翠

李源泉在廬陵縣廖仙源北塘有石牛自口噴出紺寒
清澈

窪泉在泰和縣樟洲東源出桃花洞歷白家橋入贛江
明劉崧記樟洲之東有流泉焉其源發乎桃花洞之奧
出洞口與鄧家原水合而西行紆徐曲折循古株山之
麓以達於樟洲上下六七里許率負山而挾田田盤迴
兩山閒至樟洲始行夷而平曠曠望水而激成崖
深行地中故田若益高水若益下耕者俯臨之不能致
昔有備旱潦者築巨堰竭其衝以消息之堰高與田等

隱若束峽春雨時止水澹澹交田面截奔蓄深溢流下
飛久之浮壤漂滌地骨山露陂陀盤辟輪囷突兀中路
兩崖直堰之下其廣可數畝而土磽确礪若棄地然每
秋高氣澄漲落潦縮泉一綫穿襲土絡閒日刮月劇遞
成盤窟深者若井淺者若臼圓者若盤杆虛者如鼎雙
旋轉如碾渦鼓瀉若飢甌鏘然有聲悠然下赴乃交注
土磧之兩腋磧墮而旁垂穹窿搜抉捲若象鼻獨盤屹
而中峙其左則抵突而漫頂珠跳雪濺煦沫騰沸其右
則投閒懸絕若銀綆瓊刀飄風射虛以合注於磧下之
大窪而聚焉廣可三尺餘從五尺深如從之數而加二
腹洞吻吐若鼓甕然四圍周環高擬壁壘其土堅密近
於石者表黎黑而中黃黃蠟黎鐵塗以青蒼雜以駢赤
赤者朱殷白者凝脂湍湍激波撞下空旁隙爲燕窠爲蜂
戶爲蟻垤爲羊胃爲穀紋爲錦綺爲金鎖甲爲鐘乳滑
潤磊砢嵌巖燦爛不可名狀其底瑩徹絕泥滓白沙錦
石填壅其中水旋於窪若走敵赴掠然乃折而蛇行滄
汰爲坎者再又西北行循洲之陰以出黃塘之右蓋由
是趨白家橋厯石岡之陽遂北入章江矣泉初未有奇
之者歲在丁未六月夏余弟埜始與其客邱子宏道步
於其東原寓舍之西嶺尋幽而得之欣然以爲奇謂當
與吾二兄者游而紀之明日余兄子中與余俱來因往
觀之方循崖步嬉已窮然有濠濮閒意及注視水鏡浴
溶若空乃解冠振衣浴於大窪時暑溽方蘊水落崖生
時時小魚跳擲空明仰捫絕壁不見日影笑語響答如

在盜中四人者蓋樂而忘歸焉余弟楚爲余言始來游時蓋探足而復卻者數四毛髮森豎有戒心焉宏道又言其下有小窪深可沒脰而弗之及意或有灌注流演之蓋不可知也余以爲是泉之出也久矣有灌注流演之利無機械激決之勞徒爲巖谷之所掩伏草莽之所蒙翳恍然魚鳥牛馬之所惡聚而飲踐宜過者掉臂不顧也然堰之防之遏抑沮尼使不得遂其安流邁往之志乃委伏頓折匿迹於幽遐寂寞之濱至哀鳴怒號漂觸沙石而不能自己其亦可悲矣夫抑古者窪尊而挾飲茲泉合尊體之體有窪之義焉請名之曰窪泉且將作亭其上余兄弟日與賓客游咏於斯以滌其壅滯廓其清明而陶淑其性情還其故我庶幾相忘於太古淳龐之理不亦可乎余友有郭約者方學稼於是洲之陰而未嘗一目斯泉之迹豈固忽於近者因爲記以告之使知斯泉之勝由余兄弟而得而余四人之游亦斯泉之幸會也歟

天玉山瀑布泉在吉水縣南天玉山

國朝吳雲觀天玉山瀑布詩欲識

瀑邊路有聲出樹間流難盡白水洗不了青山廟破陰陰氣巖蒼盡老顏誰人吹一笛可喚老龍還

石磐瀑泉在吉水縣南二十里宋淳熙閒建挂川亭於

上縣東北里許普德廟左有靈泉歲時嘗涸相傳六月

二十四日爲神生朝前三日水輒清冷溢出飲之可愈疾

清冷泉在吉水縣西北六十里鹿角峯北平地涌出高七八寸大旱不涸匯於曲池俗名冷水塘溉田百餘頃五味泉在永豐縣西九峯嶺下俗傳張果老經此拄杖泉出如珠具五味

石牛泉在安福縣南六十里又名九女窟相傳昔有九女遊戲溺死於水太平寰宇記稱大泉平田之中巨石如牛巖石若削指此

湯泉在龍泉縣西一百里白氣如沸可熟羊豕旁數武有冷泉

東坡井在廬陵縣南相傳蘇軾自儋耳還游清都觀至

米巷失足墮溝中笑曰此地好開井如其言果得甘泉
義井有二一在府廨西仁義坊宋周必大鑿一在府學
後元州學正蕭彝翁死節於此故名

秀水井在廬陵縣南二十里鳳岡下甘冽異他泉

明陳嘉謨

詩鳳岡秋冷幾家煙龍井香分第一泉
已有文章傳世業不妨耕鑿續遺編

彭五經井在吉水縣西三十里相傳五代時有彭五經
者鑿此井闊二丈深倍之

沙井在永豐縣南藤田市醴泉院相傳楊仙師以杖拄

地水涌出如醴

謹案舊志沙井作仙井吉安府志云在醴泉院者爲沙井仙井在城西隱居寺

今據
改

石井在永豐縣東

一作南

二十里深廣丈餘或云風雨晦

冥時見金鴨出沒其間

高家井在安福縣東又名君子泉甘冽能愈疾

東閣井在萬安縣城北早則潮湧至午乃平

鄭溪井在永甯縣城西隅相傳呂仙從陳氏嫗覓湯嫗

從半里外取水烹茶酌之仙憫其艱取隻盃覆米於地

屬七日後開至期開視土陷泉湧闔城飲之不竭

以上並據

府廳縣志

江西通志卷五十八